



নিজস্ব লেখা "কবিতা/গল্প"  
সংবাদপত্রে প্রকাশিত করতে -  
৯০৬২৮৬৭৯২৯

# এই যুগ

## EI YUG

Graphic  
Design  
Work

Flex ,Poster ,Card ,Cartoon ,  
Logo ,Newspaper ,Book ,  
Magazine & other.

9836753622

PAGE | পৃষ্ঠা- 4 [ PRICE | মূল্য- 2 ]

ইন্টারনেট সংস্করণ- eiyug.in RNI: WBBEN/2020/81746

HOWRAH | হাওড়া ● DAILY | দৈনিক ● 2 APRIL 2026 ,THURSDAY | ২ এপ্রিল ২০২৬ ,বৃহস্পতিবার ● VOLUME | বর্ষ-6 ● ISSUE | সংখ্যা-121

## আলিপুরদুয়ারে দলীয় প্রার্থীদের মনোনয়নপত্র জমায় উপস্থিত কেন্দ্রীয় প্রতিমন্ত্রী



সুকুমার রঞ্জন সরকার ,এই যুগ ,আলিপুরদুয়ার ,১ এপ্রিল : আলিপুরদুয়ার জেলার পাঁচটি বিধানসভা আসনের জন্য বুধবার মনোনয়নপত্র জমা দিলেন বিজেপি প্রার্থীরা। উপস্থিত ছিলেন কেন্দ্রীয় প্রতিমন্ত্রী তথা বিজেপির প্রাক্তন রাজ্য সভাপতি সুকান্ত মজুমদার। এদিন আলিপুরদুয়ারের বি এম ক্লাব ময়দান থেকে বিজেপির মনোনীত প্রার্থীরা দলের কর্মী সমর্থকদের নিয়ে এক বিশাল শোভাযাত্রা বের করেন। শোভাযাত্রাটি শহরের বিভিন্ন পথ পরিক্রমা করে জেলা প্রশাসনের মুখ্য কার্যালয় ডুয়ার্স কন্যায় পৌঁছায়। সেখান থেকে প্রার্থীরা জেলাশাসক তথা জেলা নির্বাচন আধিকারিকের দপ্তরে গিয়ে মনোনয়নপত্র জমা দেন। কেন্দ্রীয় প্রতিমন্ত্রী সুকান্ত মজুমদার বলেন আলিপুরদুয়ার জেলার পাঁচটি আসনেই বিজেপি প্রার্থীরা বিপুল ভোটে জয়ী হবে। রাজ্যে দুই তৃতীয়াংশ গরিষ্ঠতা নিয়ে বিজেপি সরকার গঠন করবে। আলিপুরদুয়ার জেলার চা বলয়ে রয়েছে তিনটি আসন, সেদিকে নজর রেখে সুকান্ত মজুমদার বলেন চা শ্রমিকদের পাশে বিজেপি আছে ও থাকবে। তৃণমূল চা বাগানগুলিতে চা সুন্দরী প্রকল্পের নামে সিন্ডিকেট রাজ গড়ে তুলেছে। অভিষেক বন্দ্যোপাধ্যায় জয়গাঁতে পুরসভা করবেন বলেছেন ,তার প্রতিক্রিয়া দিতে গিয়ে সুকান্ত মজুমদার বলেন পুরসভা গঠন করে কি হবে, এই সরকার তো পুরসভাগুলিকে টাকা দিতে পারেনা। আলিপুরদুয়ার জেলায় পাঁচ শূন্য করার লক্ষ্যে দলীয় কর্মী সমর্থকরা প্রচারে ঝাপিয়ে পড়েছেন বলেও জানান তিনি।

## দলীয় প্রার্থীর প্রচারে রাজগঞ্জের সভায় অভিষেক বন্দ্যোপাধ্যায়



নিজস্ব সংবাদদাতা ,এই যুগ ,জলপাইগুড়ি ,১ এপ্রিল : তৃণমূল কংগ্রেসের সর্বভারতীয় সাধারণ সম্পাদক অভিষেক বন্দ্যোপাধ্যায় বুধবার জলপাইগুড়ি, আলিপুরদুয়ার ও কোচবিহারে দলীয় প্রার্থীদের সমর্থনে প্রচার সভা করেন। এদিন তিনি জলপাইগুড়ি জেলার রাজগঞ্জ বিধানসভা আসনে তৃণমূল প্রার্থী স্বপ্না বর্মন এর সমর্থনে আমবাড়ি সুদামগঞ্জ ময়দানে আয়োজিত প্রচার সভায় বক্তব্য রাখতে গিয়ে বলেন স্বপ্না বর্মন আমাদের রাজ্য তথা ভারতের গর্বা। তাকে এবার দল রাজগঞ্জ আসনে প্রার্থী করেছে। উল্লেখ্য রাজগঞ্জের চারবারের বিধায়ক খগেশ্বর রায়কে দল এবার প্রার্থী করেনি। স্বপ্না বর্মনকে জয়ী করবার আহবান জানিয়ে অভিষেক বন্দ্যোপাধ্যায় বলেন খগেশ্বর রায়ের অসম্পূর্ণ কাজ স্বপ্না বর্মন খগেশ্বর রায়ের হাত ধরেই সম্পন্ন করবেন। খগেশ্বর রায় অভিভাবক হিসাবে থাকবেন ও আগের মতোই উন্নয়ন এর ধারাবাহিকতাকে বয়ে নিয়ে যাবেন। অভিষেক বন্দ্যোপাধ্যায় বিজেপি পরিচালিত কেন্দ্রীয় সরকারের সমালোচনা করে বলেন রাজ্যের প্রাপ্য পাওনা টাকা দেয়া বন্ধ করে রাজ্যের উন্নয়নকে থমকে দেবার চক্রান্ত করেছে কেন্দ্রীয় সরকার। মানুষ এর জবাব দেবেন ভোট বাঞ্চে বলেই তিনি আশাবাদী। এদিন অভিষেক বন্দ্যোপাধ্যায় আলিপুরদুয়ার জেলার ফালাকাটা আসনের প্রার্থী সুভাষ চন্দ্র রায় ও কোচবিহার জেলার শীতলকুচি আসনের প্রার্থী হরিহর দাসের সমর্থনে আয়োজিত দুটি প্রচার সভায় যোগ দেন।



Contact No: 9836753622



## Graphic Desing

Desing work : Newspaper ,Magazine,  
Book ,Flex ,Poster ,Cartoon ,Logo

## Publishing work

Publishing work : Newspaper ,Magazine, Book

EIYUG NEWSPAPER PUBLISHING HOUSE

ADDs: BANKRA DAKSHIN PALLY ,HOWRAH-711403 ,WEST BENGAL

# এসআইআর প্রক্রিয়ায় বাদ গিয়েছে নাম ,প্রতিবাদে সাপ্তাহিক হাট বসতে দিলোনা স্থানীয়রা



নিজস্ব সংবাদদাতা ,এই যুগ ,মালদহ ,১ এপ্রিল : মালদহ জেলার রতুয়া দুই নম্বর ব্লকের পীরগঞ্জ অঞ্চলের বিভিন্ন বুথের প্রচুর সংখ্যক মানুষের নাম এস আই আর প্রক্রিয়ায় বাদ গিয়েছে নির্বাচনী তালিকা থেকে। এর প্রতিবাদে স্থানীয়রা পীরগঞ্জ অঞ্চলে পথ অবরোধ করেন। পথ অবরোধ এর পাশাপাশি তারা অচিনপুরের সাপ্তাহিক হাট বসতে দেননি। ব্যবসায়ীরা পণ্যসামগ্রী নিয়ে হাটে দোকান বসাতে না পেরে অচিনপুরের থেকে এক কিলোমিটার দূরে পুখুরিয়া অঞ্চলের নাওয়াখাওয়া মোড়ে ছোট করে পণ্যসামগ্রী নিয়ে বসেন কিন্তু সেখানে ক্রেতাদের ভীড় লক্ষ্য করা যায়নি। স্থানীয়দের দাবি দ্রুত তাদের নাম নির্বাচনী তালিকায় অন্তর্ভুক্ত করুক প্রশাসন।

## বাজেয়াপ্ত প্রচুর পরিমাণে নেশার ক্যাপসুল ,গ্রেফতার বাবা ও ছেলে




সুকুমার রঞ্জন সরকার , এই যুগ ,আলিপুরদুয়ার , ১ এপ্রিল : আলিপুরদুয়ার জেলা পুলিশের জয়গাঁ থানার পুলিশ বুধবার বিশ্বস্ত সূত্রে পাওয়া খবরের ভিত্তিতে থানা এলাকার সুপার মার্কেটের আলু গুদাম এর পাশে দুই ব্যক্তিকে আটক করে তল্লাশী চালায়। তল্লাশীতে আটক ব্যক্তিদের হেফাজত থেকে উদ্ধার হয় তিন হাজার পাঁচশোটি এস পি এম পি আর এঞ্জ উকহার্ড ক্যাপসুল,তিনশোটি নাইট্রোসান ১০ ট্যাবলেট ও একটি টিভি এস জুপিটার স্কুটি। পুলিশ সূত্রে জানা গেছে উদ্ধার হওয়া সমস্ত ট্যাবলেট ও ক্যাপসুল গুলি নিষিদ্ধ মাদক। এন ডি পি এস আইনের নির্দেশিকা মেনে উদ্ধার হওয়া সমস্ত সামগ্রী বাজেয়াপ্ত করে আটক দুই ব্যক্তিকে গ্রেপ্তার করা হয়েছে। ধৃতদের বিরুদ্ধে এন ডি পি এস আইনের নির্দিষ্ট ধারায় মামলা রুজু করে আদালতে পাঠানো হয়েছে। তদন্তের স্বার্থে পুলিশ ধৃতদের নাম ঠিকানা গোপন রেখে পরবর্তী পর্যায়ের তদন্ত শুরু করেছে।

# কোচবিহার জেলার সিতাই কেন্দ্রে প্রার্থী নিয়ে বিজেপির জেলা কার্যালয়ের সামনে বিক্ষোভ



নিজস্ব সংবাদদাতা ,এই যুগ ,কোচবিহার ,১ এপ্রিল : কোচবিহার জেলার সিতাই বিধানসভা আসনে আশুতোষ বর্মাকে প্রার্থী করেছে বিজেপি। আশুতোষ বর্মার নাম ঘোষণা হতেই বিজেপি কর্মী সমর্থকদের একাংশ ক্ষুব্ধ হয়ে দলের জেলা কার্যালয়ের সামনে বিক্ষোভ দেখাতে শুরু করেন। তারা জানান আশুতোষ বর্মা সদ্য দলে যোগ দিয়েছেন। তিনি কি করে প্রার্থীপদ পেলেন। এই প্রার্থী তাদের পছন্দের নয়। পাশাপাশি সিতাই মন্ডলের বিজেপি সভাপতি অনিমেস রায় বলেন এমন ব্যক্তিকে প্রার্থী করা হয়েছে যিনি কোনোদিন দল করেননি। দলের সাথে তার কোনো সংশ্রব নেই। সদ্য দলে যোগ দিয়েই তিনি কিভাবে প্রার্থী পদে মনোনয়ন পেলেন এই প্রশ্নের জবাব চাইছেন ক্ষুব্ধ কর্মী সমর্থকরা। প্রার্থী নিয়ে দলীয় কর্মী সমর্থকের এই বিরোধের ফলে অস্থিত পড়েছে দলের জেলা নেতৃত্ব। বিষয়টি নিয়ে বিজেপির কোচবিহার জেলা সভাপতি অভিজিত বর্মন জানান প্রার্থী নির্বাচনের ক্ষেত্রে দলের সিদ্ধান্তই চূড়ান্ত। তা নিয়ে কারও সাময়িক বিক্ষোভ থাকতে পারে তবে তা মিটে যাবে বলে তিনি আশাবাদী।

**Contact No: 9836753622** 

## Graphic Desing

Desing work : Newspaper ,Magazine,  
Book ,Flex ,Poster ,Cartoon ,Logo

## Publishing work

Publishing work : Newspaper ,Magazine, Book

**EIYUG NEWSPAPER PUBLISHING HOUSE**  
ADDs: BANKRA DAKSHIN PALLY ,HOWRAH-711403 ,WEST BENGAL

# দুই পরিবারের বিবাদ গিয়ে পৌঁছালো পুলিশের কাছে



মলয় দেবনাথ ,এই যুগ ,আলিপুরদুয়ার ,১ এপ্রিল : দুই পরিবারের বিবাদ শেষ পর্যন্ত পুলিশের কাছে গিয়ে পৌঁছালো শামুকতলা থানার মহাকালগুড়ি গ্রাম পঞ্চায়েতের পশ্চিম চেপানি এলাকায়। সবজি খেতে গরু ঢোকা নিয়ে দুই পরিবারের মধ্যে বিবাদ লাগে। শেষ পর্যন্ত এক মহিলা পুলিশের কাছে অভিযোগের দায়ের করলেন তাকে হেনস্তার পাশাপাশি শ্লীলতা হানি করা হয়েছে। অভিযোগ পাওয়ার পরে পুলিশ ঘটনার তদন্ত শুরু করেছে। ঘটনাটি ঘটেছে বুধবার সকালে।

# দূরপাল্লার গাড়ি দুর্ঘটনার কবলে পড়ল



মলয় দেবনাথ ,এই যুগ ,আলিপুরদুয়ার ,১ এপ্রিল : বুধবার রাত ১১ টা নাগাদ দুর্ঘটনার কবলে পড়লো একটি পণ্যবাহী গাড়ি ঘটনাটি ঘটেছে ৩১ নম্বর জাতীয় সড়কের চেপানী টোপখি সংলগ্ন এলাকায়। ডিভাইডার এর উপর তুলে দিল গাড়ির চালক আর এর ফলেই আটকে গেল গাড়ি ঘটনাস্থলে গেছে শামুকতলা রোড ফাঁড়ির পুলিশ। পুলিশ গাড়িটিকে ডিভাইডারের উপর থেকে নামানোর চেষ্টা করছে।



Contact No: 9836753622



## Graphic Desing

Desing work : Newspaper ,Magazine,  
Book ,Flex ,Poster ,Cartoon ,Logo

## Publishing work

Publishing work : Newspaper ,Magazine, Book

**EIYUG NEWSPAPER PUBLISHING HOUSE**

ADDs: BANKRA DAKSHIN PALLY ,HOWRAH-711403 ,WEST BENGAL